

BOSNA I HERCEGOVINA
Federacija Bosne i Hercegovine
TUZLANSKI KANTON
V L A D A

Broj: 02/1- 11- 9153- 1/26
Tuzla, 07.04.2026. godine

Na osnovu člana 5. i 29. Zakona o Vladi Tuzlanskog kantona ("Službene novine Tuzlanskog kantona", br. 17/00, 1/05, 11/06, 13/11 i 15/17), Vlada Tuzlanskog kantona na sjednici održanoj dana 07.04.2026. godine, donosi

ODLUKU
o utvrđivanju prijedloga Odluke

I

Utvrđuje se prijedlog Odluke o kreditnom zaduženju Tuzlanskog kantona za realizaciju studije "Program energetske obnove zgrada javne namjene u nadležnosti Tuzlanskog kantona".

II

Prijedlog Odluke o kreditnom zaduženju Tuzlanskog kantona za realizaciju studije "Program energetske obnove zgrada javne namjene u nadležnosti Tuzlanskog kantona" dostavit će se Skupštini Tuzlanskog kantona na razmatranje i donošenje.

III

Odluka stupa na snagu danom donošenja.

DOSTAVITI:

- 1 x Skupštini Tuzlanskog kantona**
- 1 x Ministarstvu finansija**
- 1 x Evidenciji**
- 1 x a/a**



Na osnovu člana 24. stav 1. tačka c) Ustava Tuzlanskog kantona ("Službene novine Tuzlansko-podrinjskog kantona", broj: 7/97 i 3/99 i "Službene novine Tuzlanskog kantona", broj: 13/99, 10/00, 14/02 i 6/04 i 10/04), člana 23. stav (1) tačka b) Zakona o dugu, zaduživanju i garancijama u Federaciji Bosne i Hercegovine („Službene novine FBiH“, br. 45/25) a u vezi sa članom 57. Zakona o izvršenju Budžeta Tuzlanskog kantona za 2026.godinu („Službene novine Tuzlanskog kantona“,br.18/25 i 3/26) i tačkom II-10. Procedura zaduživanja Tuzlanskog kantona na osnovu unutrašnjeg i vanjskog duga („Službene novine Tuzlanskog kantona“, br.17/25), na prijedlog Vlade Tuzlanskog kantona, Skupština Tuzlanskog kantona, na sjednici održanoj dana _____2026. godine, d o n o s i:

ODLUKU

O KREDITNOM ZADUŽENJU TUZLANSKOG KANTONA ZA REALIZACIJU STUDIJE „PROGRAM ENERGETSKE OBNOVE ZGRADA JAVNE NAMJENE U NADLEŽNOSTI TUZLANSKOG KANTONA"

I

Odobrava se kreditno zaduženje Tuzlanskog kantona (u daljem tekstu: Kanton) kod Federacije Bosne i Hercegovine (u daljem tekstu: Federacija BiH) kao supsidijarnog zajmoprimca po Sporazumu o kreditu između Bosne i Hercegovine i Evropske banke za obnovu i razvoj (u daljem tekstu: EBRD), u iznosu od 8.000.000,00 (slovima: osammiliona Eur-a), radi realizacije Studije „Program energetske obnove zgrada javne namjene u nadležnosti Tuzlanskog kantona" (u daljem tekstu: Projekat)

II

Pored kreditnih sredstava, EBRD obezbijedit će grant sredstva u iznosu 2.000.000,00 (slovima:dvamiliona Eur-a) za realizaciju Projekta.

Realizacija Projekta podrazumjeva finansiranje implementacije mjera energetske efikasnosti u do 173 javne zgrade u Tuzlanskom kantonu.

III

Uslovi odobrenja kredita EBRD-a su:

Iznos zajma:8.000.000 Eur-a

Rok otplate:15 godina,

Grace period: 3 godine uključen u rok otplate zajma.

Otplata: polugodišnje u jednakim otplatama glavnice,

Kamatna stopa:1% godišnje plus šestomjesečni EURIBOR

Jednokratna provizija- 1% iznosa glavnice zajma

Provizija na odobreni a nepovučeni iznos zajma- 0,5% godišnje

IV

U periodu dospijeća obaveza po kreditu potrebno je osigurati sredstva iz budžeta Tuzlanskog kantona za izmirenje dospjelih obaveza i ista planirati u budžetu za cijelo vrijeme otplate kredita.

V

Daje se saglasnost za zaključivanje Podugovora o zajmu između Federacije Bosne i Hercegovine, koju predstavlja Federalno ministarstvo finansija-Federalno ministarstvo financija i Tuzlanskog kantona koga predstavlja Ministarstvo finansija Tuzlanskog kantona.

Za potpisivanje podugovora na osnovu ove odluke, ovlašćuje se ministar finansija Tuzlanskog kantona.

VI

Za realizaciju finansijskog dijela ove Odluke zadužuje se Ministarstvo finansija Tuzlanskog kantona.

Za izvještavanje o toku realizacije Projekta iz ove odluke zadužuje se Ministarstvo prostornog uređenja i zaštite okolice Tuzlanskog kantona.

Izvještavanje u smislu prethodnog stava podrazumjeva sačinjavanje pismenog izvještaja najmanje jedan puta godišnje, a po potrebi i u kraćim intervalima i dostavu istog na prihvatanje Vladi Tuzlanskog kantona.

VII

Ova Odluka stupa na snagu danom donošenja, a objavit će se u “Službenim novinama Tuzlanskog kantona”.

Bosna i Hercegovina
Federacija Bosne i Hercegovine
TUZLANSKI KANTON
Skupština Tuzlanskog kantona
T U Z L A

Predsjednik Skupštine

Ivana Mijatović, v.r.

Broj:

Tuzla,

O b r a z l o ž e n j e

PRAVNI OSNOV ZA DONOŠENJE ODLUKE

Pravni osnov za donošenje predložene odluke sadržan je u članu 24. stav 1. tačka c) Ustava Tuzlanskog kantona ("Službene novine Tuzlansko-podrinjskog kantona", broj: 7/97 i 3/99 i "Službene novine Tuzlanskog kantona", broj: 13/99, 10/00, 14/02 i 6/04 i 10/04) kojim je utvrđeno da Skupština kantona donosi zakone i ostale propise neophodne za izvršavanje nadležnosti Kantona, članu 23. stav (1) tačka b) Zakona o dugu, zaduživanju i garancijama u Federaciji Bosne i Hercegovine („Službene novine FBiH“, br. 45/25) kojim je utvrđeno da se, kanton može zaduživati po osnovu vanjskog duga, između ostalog u svrhu finansiranja razvojnih programa i kapitalnih investicija odobrenih programom javnih investicija; članu 57. Zakona o izvršenju Budžeta Tuzlanskog kantona za 2026.godinu („Službene novine Tuzlanskog kantona“, br.18/25 i 3/26) kojim je utvrđeno da Kanton može stvoriti vanjski dug između ostalog u svrhu finansiranja razvojnih programa i kapitalnih investicija odobrenih programom javnih investicija i tački II-10. Procedura zaduživanja Tuzlanskog kantona na osnovu unutrašnjeg i vanjskog duga („Službene novine Tuzlanskog kantona“, br.17/25) kojom je utvrđeno da odluku o vanjskom zaduženju donosi Skupština Tuzlanskog kantona.

OBRAZLOŽENJE ODLUKE

Ministarstvo prostornog uređenja i zaštite okolice svojim aktom broj:12/1-19-8966-1/22 od 14.04.2022. godine dostavilo je Ministarstvu finansija Inicijativu za kreditno zaduženje za realizaciju Studije „Program energetske obnove zgrada javne namjene u nadležnosti Tuzlanskog kantona“ u kojoj se poziva na Informaciju o primjeni energijske efikasnosti na javnim objektima u nadležnosti Tuzlanskog kantona koju je Vlada prihvatila na sjednici od 12.3.2020. godine.

Kako je od tada proteklo više od dvije godine, na prijedlog Ministarstva finansija, Vlada Tuzlanskog kantona donijela je Zaključak broj: 02/1-11-11329/22 od 17.05.2022. godine kojim je podržala započete aktivnosti na realizaciji Studije „Program energetske obnove zgrada javne namjene u nadležnosti Tuzlanskog kantona", te izrazila spremnost za potencijalno zaduženje Tuzlanskog kantona kod Federacije BiH kao supsidijarnog zajmoprimca po Sporazumu o kreditu između Bosne i Hercegovine i Evropske banke za obnovu i razvoj- EBRD u iznosu do 8.000.000,00 Eur-a.

Tačkom II Zaključka, zaduženo je Ministarstvo prostornog uređenja i zaštite okolice, da Vladi Kantona dostavi inoviranu Informaciju o primjeni energijske efikasnosti na javnim objektima u nadležnosti Tuzlanskog kantona zaključno sa 30.04.2022. godine, obzirom na protek vremena od analize zadnje Informacije (12.03.2020. godine) i izvršenih ulaganja u javne objekte u navedenom periodu.

Ministarstvo prostornog uređenja i zaštite okolice sačinilo je navedenu Informaciju, te je Vlada Kantona istu prihvatila Zaključkom broj:02/1-19-12998/22 od 30.05.2022. godine.

Ministarstvo prostornog uređenja i zaštite okolice, navodi, da je sklopu Strategije razvoja Tuzlanskog kantona za period 2016.-2020.godine, u okviru strateškog cilja 5 (Uspostaviti funkcionalan sistem zaštite okoliša i održivog upravljanja prirodnim resursima) definiranog prioritetom 4 (Intenzivirati provedbu principa i mjera energijske efikasnosti) navedene slijedeće mjere:

- 5.4.1 Povećanje energijske efikasnosti javnih zgrada na području Tuzlanskog kantona;
- 5.4.2. Program sufinansiranja primjene mjera energijske efikasnosti i korištenja obnovljivih izvora energije.

Navedeni proritet 5.4.1 je prepoznat i definiran na osnovu prethodno urađenog dokumenta *Studija o energijskoj efikasnosti javnih zgrada u Tuzlanskom kantonu*, koji je urađen uz finansijsku i tehničku podršku Razvojnog programa Ujedinjenih nacija. U ovom dokumentu je detaljno obrađeno trenutno stanje energijske efikasnosti kao i potencijalne mjere za poboljšanje energijske efikasnosti za 378 zgrada javne namjene u Tuzlanskom kantonu. Navedenim dokumentom je prvi put sagledana veličina problema energijske neefikasnosti javnih zgrada u Tuzlanskom kantonu, kao i koristi i dobrobiti potencijalnih mjera energijske efikasnosti.

Ministarstvo navodi da je kontinuirano ulagalo u primjenu mjera energijske efikasnosti javnih objekata u skladu sa svojim mogućnostima, te je, pripremio Informaciju o primjeni energijske efikasnosti na javnim objektima u nadležnosti Tuzlanskog kantona koju je Vlada prihvatila na sjednici od 12.3.2020. godine. Informacija je urađena na osnovu Studije o energetske efikasnosti javnih objekata u Tuzlanskom kantonu kojom su obuhvaćeni svi javni objekti u nadležnosti **Kantona i gradova/općina (378 objekata)**. Predložene mjere su svrstane u pet osnovnih mjera, i to:

Mjera 1: Ugradnja termoizolacije na fasadi objekta,

Mjera 2: Ugradnja termoizolacije na završnom stropu objekta,

Mjera 3: Zamjena postojeće fasadne stolarije energijski efikasnom stolarijom,

Mjera 4: Zamjena ili rekonstrukcija postojećih kotlovskih postrojenja u objektu i

Mjera 5: Zamjena postojećih rasvjetnih tijela sa energijski efikasnijim rasvjetnim tijelima.

Iz inovirane Informacije o primjeni energijske efikasnosti na javnim objektima u nadležnosti Tuzlanskog kantona proizilazi da je evidentirano 408 objekata, dok je u rubrici "UKUPNA INVESTICIJA" naveden iznos 24.926.415,77 KM.

Ministarstvo finansija, a nakon prihvatanja inovirane Informacije, zaprimilo je akt Ministarstva prostornog uređenja i zaštite okolice svojim aktom broj:12/1-19-12998/22 od 31.05.2022. godine kojim se predlaže nastavak aktivnosti na predlaganju odluke o davanju prethodne saglasnosti na kreditno zaduženje za realizaciju studije „Program energetske obnove zgrada javne namjene u nadležnosti Tuzlanskog kantona“.

Ističemo da je članom 53. stav (2) i članom 54. stav (1) tačka Zakona o izvršenju Budžeta Tuzlanskog kantona za 2025.godinu bilo utvrđeno da o visini zaduživanja i garancijama odlučuje Skupština Kantona, na prijedlog Vlade Kantona, te da se Kanton može zadužiti za finansiranje kapitalnih investicija ili posebnih programa odobrenih od strane Skupštine Tuzlanskog kantona.

Članom 38. stav (1) tačka 5. a u vezi sa članom 41. bivšeg Zakona o dugu, zaduživanju i garancijama u Federaciji BiH („Službene novine FBiH“, br. 86/07, 24/09, 44/10 i 30/16) utvrđeno je da kantoni mogu stvoriti obaveze na osnovu vanjskog duga u svrhu finansiranja kapitalnih investicija, pod uslovima i na način utvrđen navedenim zakonom.

Kako Zakon o dugu, zaduživanju i garancijama u Federaciji BiH, niti Zakon o izvršenju Budžeta Tuzlanskog kantona za 2025.godinu, nije poznao proceduru donošenja odluke o davanju prethodne saglasnosti za kreditno zaduženje, a Evropska banka za obnovu i razvoj u toku pregovora zahtjevala je dostavu prethodne saglasnosti za zaduženje, Ministarstvo finansija predložilo je navedenu odluku sa pravnim osnovom koji smo prethodno obrazložili, a kako navedene odredbe zakona predstavljaju pravni osnov za predlaganje odluke zakonodavnom organu, to smo bili mišljenja da odluka može ići u formi koja je u konačnici, nakon određenih aktivnosti predložena Skupštini Tuzlanskog kantona i ista ju je donijela.

Dakle, na osnovu svega naprijed navedenog, Ministarstvo finansija predložilo je da Vlada Tuzlanskog kantona putem predložene odluke izrazi spremnost i da prethodnu saglasnost za zaduženje Tuzlanskog kantona kod Federacije BiH kao supsidijarnog zajmoprimca po Sporazumu o kreditu između Bosne i Hercegovine i EBRD-a, u iznosu od 8.000.000,00 Eur-a, radi realizacije Studije „Program energetske obnove zgrada javne namjene u nadležnosti

Tuzlanskog kantona".

Ministarstvo prostornog uređenja i zaštite okolice obavijestilo je Ministarstvo finansija da je Federalno ministarstvo finansija dostavilo Ministarstvu prostornog uređenja i zaštite okolice nacrt Podugovora o zajmu i Podugovora o grantu, s obzirom da ovo Ministarstvo provodi projekat „Program energetske obnove zgrada javne namjene u nadležnosti Tuzlanskog kantona“.

Prethodno su, u okviru navedenog projekta, potpisana ukupno četiri ugovora, i to: Ugovor o zajmu i Ugovor o grantu broj: 54032 od 24.06.2025. godine, zaključen između Evropske banke za obnovu i razvoj (Zajmodavac) i Bosne i Hercegovine (Zajmoprimac), kojim je Banka dala saglasnost da Zajmoprimac stavi na raspolaganje zajam, pod uslovima i rokovima koji su navedeni u Ugovoru, Ugovor o podršci zajmu zaključen između Tuzlanskog kantona i Evropske banke za obnovu i razvoj, te Projektni ugovor koji je zaključen između Ministarstva prostornog uređenja i zaštite okolice i Evropske banke za obnovu i razvoj.

Zaduženje koje je planirano predmetnim Ugovorima nije planirano u Budžetu TK-a za 2026. godinu, a niti Zakonom o izvršenju budžeta, zbog čega je potrebno da Skupština donese Odluku o prihvatanju Podugovora o zajmu i Podugovora o grantu.

U prilogu dostavljamo nacrt navedenog podugovora.

Napominjemo da je već izvršen izbor korisnika sredstava, i to 102 objekta za prvu fazu projekta, te će se naknadno objaviti javni poziv i za preostala 70 objekta javne namjene u drugoj fazi.

Ugovor o zajmu se predlaže pod sljedećim uslovima:

Iznos zajma: 8.000.000 Eur-a

Rok otplate: 15 godina,

Grace period: 3 godine uključen u rok otplate zajma.

Otplata: polugodišnje u jednakim otplatama glavnice,

Kamatna stopa: 1% godišnje plus šestomjesečni EURIBOR

Jednokratna provizija- 1% iznosa glavnice zajma

Provizija na odobreni a nepovučeni iznos zajma- 0,5% godišnje

Takođe, navedeni projekat „Program energetske obnove zgrada javne namjene u nadležnosti Tuzlanskog kantona“ uvršten je u Program javnih investicija Tuzlanskog kantona 2026.-2028. godina.

PREDLAGAČ:
VLADA KANTONA

BROJ 54032

PODUGOVOR O ZAJMU

za GRCF2 W2 E2 – Zgrade javne namjene Tuzlanskog kantona

između

FEDERACIJE BOSNE I HERCEGOVINE

koju predstavlja

Federalno ministarstvo finansija
Federalno ministarstvo financija

i

TUZLANSKOG KANTONA

Sarajevo, __. __. 2025. godine

PODUGOVOR O ZAJMU

Zaključen dana _____ 2025. godine između Federacije Bosne i Hercegovine, koju predstavlja Federalno ministarstvo finansija-Federalno ministarstvo financija (u daljem tekstu: Federacija) i Tuzlanskog kantona (u daljem tekstu:Kanton) kojeg predstavlja _____(u daljem tekstu:Kanton) za Projekat GRCF2 W2 E2 – Zgrade javne namjene Tuzlanskog (u daljem tekstu: Projekat).

PREAMBULA

BUDUĆI DA je dana 24.06.2025.godine između Evropske banke za obnovu i razvoj (u daljem tekstu: Banka) i Bosne i Hercegovine (u daljem tekstu: Zajmoprimac) zaključen Ugovor o zajmu (u daljem tekstu: Ugovor o zajmu) kojim je Banka dala saglasnost da Zajmoprimac stavi na raspolaganje zajam (u daljem tekstu: Zajam), pod uvjetima i rokovima koji su navedeni u Ugovoru;

BUDUĆI DA je dana _____godine između Banke i Kantona zaključen Ugovor o podršci zajma (u daljem tekstu: Ugovor o podršci);

BUDUĆI DA je dana _____godine između Banke i Ministarstva prostornog uređenja i zaštite okoliša Tuzlanskog kantona zaključen Projektni ugovor (u daljem tekstu:Projektni ugovor);

BUDUĆI DA je dana _____ godine između Zajmoprimca i Federacije zaključen Supsidijarni ugovor (u daljem tekstu: Supsidijarni sporazum);

BUDUĆI DA je dana _____godine Skupština Kantona donijela Odluku prihvatanju zaduženja po Ugovoru o zajmu između Zajmoprimca i Banke za Projekat („Službene novine Kantona“ broj: _____/20),

BUDUĆI DA je Vlada Federacije Bosne i Hercegovine utvrdila prijedlog Odluke, a Predstavnički dom i Dom naroda Parlamenta Federacije Bosne i Hercegovine usvojili Odluku o prihvatanju zaduženja po Ugovoru o zajmu između Zajmoprimca i Banke za realizaciju Projekta („Službene novine Federacije BiH“ broj:95/25).

OVIM su se strane složile o sljedećem:

Član 1.

- 1.1. Federacija i Kanton su se saglasili da će se svi pojmovi, uslovi i rokovi iz Ugovora o zajmu **mutatis mutandis** primjenjivati u punoj snazi i učinku na ovaj Podugovor o zajmu (u daljem tekstu: Podugovor).
- 1.2. Federacija je saglasna da Kantonu proslijedi sredstva zajma u ukupnom iznosu od 8.000.000,00 EUR-a, a Kanton se obavezuje platiti ugovorenu kamatu, naknade i troškove, te vratiti cjelokupan iznos zajma, pod uslovima, u vrijeme i na način kako je utvrđeno Ugovorom o zajmu i ovim Podugovorom.
- 1.3. Sredstva zajma će se koristiti za finansiranje implementacije mjera energetske efikasnosti u do 173 javne zgrade u Tuzlanskom kantonu. Konkretnije, očekuje se da će se kroz Projekat uvesti čistije i efikasnije grijanje, bolja izolacija i rasvjeta, što dovodi do uštede primarne energije, s ciljem ukupne uštede primarne energije od najmanje 30% u odnosu na polaznu vrijednost utvrđenu tokom izrade detaljnih energetskih pregleda.

Član 2.

- 2.1. Sredstva zajma iz člana 1.2. ovog Podugovora, Kanton će otplaćivati Federaciji, pod slijedećim uslovima i rokovima:
 - iznos zajma:.....8.000.000,00 EUR-a
 - rok otplate:.....15 godina
 - grace period:.....3 godine (uključen u rok otplate zajma)
 - kamatna stopa:.....šestomjesečni EURIBOR plus marža 1% godišnje
 - jednokratna provizija:.....1 % na iznos glavnice zajma
 - dospijeća:.....polugodišnje u jednakim otplatama glavnice
 - provizija na nepovučeni iznos zajma:.....0,5 % godišnje
- 2.2. Iz sredstava zajma ne mogu se plaćati carine, porezi i druge dažbine.
- 2.3. Kanton će plaćati i sve druge troškove koji nastanu u vezi ovog Podugovora.

Član 3.

- 3.1. Kanton se obavezuje vratiti Federaciji ukupan iznos sredstava zajma zajedno sa pripadajućom kamatom i svim ostalim troškovima, a u skladu sa uslovima definiranim Ugovorom o zajmu i ovim Podugovorom.
- 3.2. Kanton se obavezuje da će, shodno rokovima iz Podugovora, osigurati sredstva u svom budžetu za redovnu otplatu sredstava zajma i ista, prema instrukcijama Federacije uplaćivati u njegov budžet najkasnije sedmog dana od prijema obavijesti za plaćanje od strane Federacije, a ne ranije od datum dospjeća po Ugovoru o zajmu.
- 3.2. U slučaju da Kanton ne plati bilo koji dospjeli iznos u skladu sa Podugovorom na datum dospijeća, dužan je platiti kamatu na takav neplaćeni iznos od datuma dospijeća sve do datuma stvarnog plaćanja, po stopi jednakoј zateznoj kamatnoj stopi u Federaciji, odnosno počinje se obračunavati sedmog dana od prijema obavijesti za plaćanje od strane Federacije.

- 3.3. Za svako povlačenje sredstava zajma, koje će vršiti Zajmoprimac po osnovu Ugovora o zajmu, Kanton će putem Federacije dostaviti Zajmoprimcu originalan zahtjev u kome će navesti iznos ekvivalentan vrijednosti robe, radova i usluga koji se finansiraju od tog povlačenja, u formi zadovoljavajućoj za Banku, Zajmoprimca i Federaciju.

Član 4.

- 4.1 U svrhu osiguranja naplate svih tražbina po ovom Podugovoru, Kanton je obavezan da u roku od 10 (deset) dana od potpisivanja ovog Podugovora dostavi Federaciji 24 (dvadesetčetiri) vlastitih bjanko mjenica sa klauzulom „bez protesta“ i mjeničnom izjavom ovjerenom i potpisanom od strane ovlaštenog lica. Na osnovu ove ugovorne odredbe Kanton ovlašćuje Federaciju da primljene bjanko mjenice može koristiti za naplatu dospjelog potraživanja po ovom Podugovoru. U tom slučaju ovlašćuje se Federacija da može u primljenu bjanko mjenicu upisati iznos svih dospjelih potraživanja na dan popunjavanja mjenice, zatim datum dospijeća, domicilirati je po svojoj volji, upisati sve druge nedostajuće sastojke, te je podnijeti na isplatu, odnosno da mjenicom može provesti sve druge propisane radnje radi naplate mjeničnog potraživanja.
- 4.2. Bez obzira na odredbe prethodnog stava, Kanton je saglasan i daje neopozivo ugovorno ovlaštenje Federaciji da, sa računa javnih prihoda Federacije i to iz dijela prihoda koji pripadaju Kantonu, izvrši naplatu bilo kojeg dospjelog, a nenamirenog potraživanja iz ovog Podugovora.

Član 5.

- 5.1. Kanton može povlačiti sredstva zajma u skladu sa Ugovorom o zajmu, odnosno do datuma zatvaranja Projekta. Federacija će pisanim putem obavijestiti Kanton o svakoj promjeni datuma zatvaranja Projekta.
- 5.2. Federacija ima pravo da zahtjeva modifikacije u rokovima otplate sredstava zajma u skladu sa bilo kojim promjenama koje bi se mogle desiti u rokovima otplate u Ugovoru o zajmu.

Član 6.

- 6.1. Kanton je obavezan, najmanje tromjesečno, dostavljati izvještaje o povlačenju i trošenju sredstava zajma, kao i izvještaj o realizaciji Projekta, izvršenju svojih obaveza po ovom Podugovoru o zajmu i drugim pitanjima koja se odnose na ciljeve Projekta. Ovakve izvještaje Kanton dostavlja Federaciji i Banci, na njihov zahtjev.
- 6.2. Kanton će koristiti svoja prava po ovom Podugovoru o zajmu na takav način da zaštiti interese Federacije i Banke i postigne svrhu Projekta i neće pripisivati, dodavati ili odreći se bilo koje odredbe ovog Podugovora o zajmu, osim ukoliko se Banka i Federacija ne dogovore drugačije.
- 6.3. Kanton će uspostaviti sistem finansijskog upravljanja, uključujući podatke i račune i pripremati finansijske izvještaje koji će davati dovoljno informacija za odgovarajuće upravljanje, sve u skladu sa standardima računovodstva prihvatljivim za Banku i Federaciju, koji se konzistentno primjenjuju i adekvatno odražavaju sve njene operacije i finansijske uslove i bilježenje posebno operacija, izvora i troškova koji se odnose na Projekat.

- 6.4. Kanton će imati zapisnike, račune i revidirane finansijske izvještaje za svaku fiskalnu godinu, u skladu sa odgovarajući principima revizije koja se stalno primjenjuje od strane nezavisnih revizora prihvatljivim za Banku, Federaciju i predočiti Banci, Federaciji ne kasnije od šest (6) mjeseci nakon kraja svake takve godine, ovjerene kopije revidiranih finansijskih izvještaja za takvu godinu i izvještaj o takvoj reviziji od strane navedenih revizora, u takvom obimu i takvim detaljima koje Banka i Federacija budu razumno tražili.

Član 7.

- 7.1. Federacija će poduzeti ili prouzrokovati da se poduzmu sve neophodne i odgovarajuće radnje da se dozvoli Kantonu nesmetano izvršavanje njenih obaveza po ovom Podugovoru o zajmu i neće preduzimati radnje koje bi spriječile njegovo neometano postupanje.
- 7.2. Ako pravo Federacije da vrši povlačenja sredstava po zajmu bude suspendirano ili otkazano, pravo Kantona da vrši povlačenja će biti na isti način i istovremeno suspendirano ili otkazano od strane Federacije, zavisno od datog slučaja.

Član 8.

- 8.1. Federalni ministar finansija - Federalni ministar financija ili svaka osoba ili osobe koje Federalni ministar finansija ovlasti pisanim putem u ovu svrhu može, u ime Federacije, poduzeti aktivnosti ili provesti dokument zahtijevan ili dozvoljen ovim Podugovorom o zajmu.
- 8.2. _____ ili svaka osoba ili osobe koja je ovlaštena pisanim putem od strane _____ u ovu svrhu može, u ime Kantona, poduzeti aktivnosti ili provesti dokument zahtijevan ili dozvoljen ovim Podugovorom o zajmu.

Član 9.

- 9.1. Na sve što nije regulisano ovim Podugovorom o zajmu, primjenjivat će se odredbe Zakona o obligacioni odnosima kao i odredbe drugih važećih zakona u Federaciji BiH.
- 9.2. Svi sporovi koji budu nastali po osnovu ovog Podugovora o zajmu ili u vezi sa istim, a koji se ne mogu sporazumno riješiti između Federacije i Kantona, konačno će se riješiti pred nadležnim sudom u Sarajevu.
- 9.3. Kada ukupan iznos glavnice zajma bude otplaćen i kada kamata i provizije narasle po zajmu budu plaćene, ovaj Podugovor o zajmu i sve obaveze ugovornih strana će time prestati da važe.

Član 10.

- 10.1. Ukoliko se ne ispune ili djelomično ispune uslovi predviđeni ovim Podugovorom o zajmu ili bilo koje obaveza koja proizilazi iz ovog Podugovora o zajmu, sporazumne strane mogu raskinuti ovaj Podugovor o zajmu.
- 10.2. Ugovorne strane mogu raskinuti ovaj Podugovor o zajmu, posebnim Sporazumom o raskidu između Federacije i Kantona, koji mora biti u pismenoj formi i u kojem će biti regulisane sve posljedice takvog raskida.

- 10.3. Ukoliko nastupi neki od razloga za raskid, Federacija će pismenim putem pozvati Kanton da u roku od 30 dana od dana prijema obavijesti otkloni nastali razlog za raskid Podugovora o zajmu.
- 10.4. Ukoliko Kanton u predviđenom roku iz ovog člana ne udovolji zahtjevu Federacije i ne otkloni razlog za raskid, Federacija ima pravo jednostrano raskinuti ovaj Podugovor o zajmu izjavom o raskidu, koja će biti dostavljena Kantonu preporučenom poštom (s povratnicom). Ovaj Podugovor o zajmu će se smatrati raskinutim nakon proteka otkaznog roka od 30 dana koji počinje teći od dana dostave izjave o raskidu.
- 10.5. U slučaju da ovaj Podugovor o zajmu bude raskinut zbog povrede ugovornih obaveza od strane Kantona, odnosno iz razloga neispunjavanja ili djelomičnog izvršenja, Kanton će biti odgovoran za svu štetu koja može nastati Federaciji bilo direktno ili indirektno, zbog takvog raskida.
- 10.6. Raskidom Podugovora o zajmu, ugovorne strane se oslobađaju obaveza, izuzev finansijskih obaveza Kantona koje su proistekle potpisivanjem ovog Podugovora o zajmu, uz obaveze naknade štete Federaciji.
- 10.7. U slučaju daljnjeg prenosa ili ustupanja, preuzimatelj prava i/ili obaveza će pristupiti ovom Podugovoru o zajmu i postati korisnik zajma kao da je bio imenovana ugovorna strana na dan potpisivanja ovog Podugovora o zajmu i ima ista prava, obaveze i ugovornu poziciju kao ranija ugovorna strana, odnosno Kanton.

Član 11.

- 11.1. Svaka obavijest, traženje ili zahtjev potreban ili dozvoljen da se da ili podnese po ovom Podugovoru o zajmu će biti u pisanom obliku i smatrat će se da je dat ili podnesen kada bude dostavljen na ruke, poštom ili telefaksom na adresu niže naznačene osobe ili na bilo koju drugu adresu koju će ta osoba naznačiti u pisanom obliku strani koja daje obavijest ili podnosi zahtjev:

Za Federaciju Bosne i Hercegovine:

Federalno ministarstvo finansija/financija
Mehmeda Spahe 5
71000 Sarajevo

Na pažnju: Ministra

Telefax: +387 33 253 500

Za Tuzlanski kanton:

Na pažnju: _____

Telefax:

- 9.2. Ako se bilo koja od gornjih adresa i/ili imena promijene, strane su o tome dužne odmah obavijestiti drugu ugovornu stranu pismeno o novim adresama ili imenima.

Član 10.

- 10.1. Ovaj Podugovor je sačinjen u 4 (četiri) istovjetna primjerka, od kojih svaka strana zadržava po 2 (dva).
- 10.3. Ovaj Podugovor stupa na snagu danom stupanja na snagu Supsidijarnog ugovora.

**ZA FEDERACIJU
BOSNE I HERCEGOVINE
FEDERALNO MINISTARSTVO FINANSIJA
FEDERALNO MINISTARSTVO FINANSIJA**

TUZLANSKI KANTON

**Ministar
Toni Kraljević**

Broj: _____

Broj: _____

BOSNA I HERCEGOVINA
Federacija Bosne i Hercegovine
TUZLANSKI KANTON
V L A D A

Broj: 02/1-19 - 8966 / 22
Tuzla, 08.12.2022. godine

Na osnovu člana 5. i 29. Zakona o Vladi Tuzlanskog kantona („Službene novine Tuzlanskog kantona“, br. 17/00, 1/05, 11/06, 13/11 i 15/17), a u skladu sa Zaključkom Skupštine Tuzlanskog kantona broj: 01-02-643-2/22 od 05.12.2022. godine, Vlada Tuzlanskog kantona na sjednici održanoj dana 08.12.2022. godine, d o n o s i

ODLUKU

I

Prihvata se tekst Mandatnog pisma Evropske banke za obnovu i razvoj, a u vezi sa realizacijom projekta “Program energetske obnove zgrada javne namjene u nadležnosti Tuzlanskog kantona”.

II

Ovlašćuje se Premijer Kantona i ministar finansija da potpišu Mandatno pismo iz tačke I ove Odluke.

III

Odluka stupa na snagu danom donošenja.

DOSTAVITI:

- 1 x Ministarstvu prostornog uređenja
i zaštite okolice
- 1 x Ministarstvu obrazovanja i nauke
- 1 x Ministarstvu finansija
- 1 x Evidenciji
- 1 x a/a



PREMIJER KANTONA

Irfañ Halilagić
Irfañ Halilagić

Na osnovu člana 111. stav (2) Poslovnika Skupštine Tuzlanskog kantona („Službene novine Tuzlanskog kantona”, br. 13/19 i 5/20), razmatrajući Zaključak Vlade Tuzlanskog kantona broj: 02/1-19-8966/22 od 24.11.2022. godine sa Mandatnim pismom Evropske banke za obnovu i razvoj, Skupština Tuzlanskog kantona, na sjednici održanoj 5.12.2022. godine, donosi

ZAKLJUČAK

I

Skupština Tuzlanskog kantona podržava aktivnosti Vlade Tuzlanskog kantona u vezi sa realizacijom projekta „Program energetske obnove zgrada javne namjene u nadležnosti Tuzlanskog kantona” putem obezbjeđenja dugoročnog finansiranja, u obliku državnog zajma u iznosu do 8 miliona eura, pod uslovima sadržanim u Mandatnom pismu.

II

Skupština Tuzlanskog kantona ovlašćuje premijera i ministra finansija Tuzlanskog kantona da potpišu Mandatno pismo Evropske banke za obnovu i razvoj.

Bosna i Hercegovina
- Federacija Bosne i Hercegovine
TUZLANSKI KANTON
Skupština
Broj: 01-02-643-2/22
Tuzla, 5.12.2022. godine



Predsjednik
Skupštine Tuzlanskog kantona

Žarko Vujić

12/7.

Na osnovu člana 5. i 29. Zakona o Vladi Tuzlanskog kantona („Službene novine Tuzlanskog kantona“, br. 17/00, 1/05, 11/06, 13/11 i 15/17), člana 38. stav (1) tačka 5., a u vezi sa članom 41. Zakona o dugu, zaduživanju i garancijama u Federaciji Bosne i Hercegovine („Službene novine FBiH“, br. 86/07, 24/09, 44/10 i 30/16) i člana 53. stav (2) i člana 54. stav (1) tačka 2. Zakona o izvršenju Budžeta Tuzlanskog kantona za 2022. godinu („Službene novine Tuzlanskog kantona“, br. 23/21 i 8/22), Vlada Tuzlanskog kantona, na sjednici održanoj dana 06.06.2022. godine, d o n o s i

O D L U K U

o davanju prethodne saglasnosti za kreditno zaduženje za realizaciju studije „Program energetske obnove zgrada javne namjene u nadležnosti Tuzlanskog kantona“

I

Vlada Tuzlanskog kantona izražava spremnost i daje prethodnu saglasnost za zaduženje Tuzlanskog kantona (u daljem tekstu: Kanton) kod Federacije Bosne i Hercegovine (u daljem tekstu: Federacija BiH) kao supsidijarnog zajmoprimca po Sporazumu o kreditu između Bosne i Hercegovine i Evropske banke za obnovu i razvoj (u daljem tekstu: EBRD), u iznosu od 8.000.000,00 (slovima: osammiliona Eur-a), radi realizacije Studije „Program energetske obnove zgrada javne namjene u nadležnosti Tuzlanskog kantona“ (u daljem tekstu: Projekat).

II

Konačne odluke o zaduženju donijeti će Skupština Tuzlanskog kantona, a po okončanju pregovora na državnom nivou kojim će se utvrditi uslovi kreditnog zaduženja, u skladu sa kreditnim sporazumom između Bosne i Hercegovine i EBRD-a i Zakonom o dugu, zaduživanju i garancijama u Federaciji BiH.

III

Ukupna vrijednost Projekta iznosi 15.813.900 (slovima: petnaestmilionaosamstotinatrinaest hiljadaidevetsto Eur-a).

Kreditna finansijska sredstva u iznosu od 8.000.000,00 Eur-a čine 50,59% ukupne vrijednosti Projekta.

Pored kreditnih sredstava iz prethodnog stave, EBRD obezbijedit će grant sredstva u iznosu 2.000.000,00 (slovima:dvamiliona Eur-a) za realizaciju Projekta, te donaciju u iznosu 500.000,00 (slovima: petstotinahiljada Eur-a) namijenjenih za tehničku pomoć.

UNDP u BIH učestvovat će u realizaciji Projekta sa sredstvima u iznosu 1.500.000,00 (slovima: jedanmilionipetstotinahiljada Eur-a) namijenjenih za finansiranje detaljnih energetskih audita i glavnih projekata objekata.

IV

Uslovi odobrenja kredita EBRD-a su:

Iznos zajma: 8.000.000 Eur-a

Trajanje zajma: 15 godina, uključujući grejs period od 3 godine

Otplata: 24 jednake polugodišnje rate tokom 12 godina nakon grejs perioda od 3 godine

Kamatna stopa: 1% godišnje plus šestomjesečni EURIBOR obračunato na povučena sredstva zajma

Ostali finansijski uvjeti:

Jednokratna provizija- 1% iznosa zajma

Provizija na odobrena, a neutrošena sredstva zajma - 0,5% godišnje.

V

Za realizaciju ove odluke zadužuje se Ministarstvo finansija i Ministarstvo prostornog uređenja i zaštite okolice, svako iz svoje nadležnosti u proceduri realizacije Projekta.

VI

Ova Odluka stupa na snagu danom donošenja i objaviće se u „Službenim novinama Tuzlanskog kantona“

BOSNA I HERCEGOVINA
Federacija Bosne i Hercegovine
TUZLANSKI KANTON
V L A D A

Broj: 02/1-11-13204/22
Tuzla, 06.06.2022. godine



PREMIJER KANTONA

Irfan Halilagić
Irfan Halilagić

BOSNA I HERCEGOVINA
Federacija Bosne i Hercegovine
TUZLANSKI KANTON
V L A D A

Broj: 02/1- 19- 36 133 / 24
Tuzla, 24.12.2024. godine

Na osnovu člana 5. i 29. Zakona o Vladi Tuzlanskog kantona ("Službene novine Tuzlanskog kantona", br. 17/00, 1/05, 11/06, 13/11 i 15/17), Vlada Tuzlanskog kantona na sjednici održanoj dana 24.12.2024. godine, donosi:

ZAKLJUČAK

I

Usvaja se Informacija Ministarstva prostornog uređenja i zaštite okolice o aktivnostima na realizaciji projekta „Program energetske obnove zgrada javne namjene u nadležnosti Tuzlanskog kantona“.

II

Prihvata se prijedlog Ministarstva prostornog uređenja i zaštite okolice o nastavku daljih aktivnosti na realizaciji projekta „Program energetske obnove zgrada javne namjene u nadležnosti Tuzlanskog kantona“, kao i usaglašeni nacrti Ugovora o zajmu, Ugovora o grantu, Projektnog ugovora i Ugovora o podršci zajmu.

III

Ovlašćuju se ministar finansija i ministar prostornog uređenja i zaštite okolice da, u ime Vlade Tuzlanskog kantona potpišu Ugovor o zajmu, Ugovor o grantu, Projektni ugovor i Ugovor o podršci zajmu.

IV

Ministarstvo pravosuđa i uprave će davati pravna mišljenja u ime Tuzlanskog kantona.

DOSTAVITI:

- 1 x Ministarstvu prostornog uređenja i zaštite okolice
- 1 x Ministarstvu finansija
- 1 x Ministarstvu pravosuđa i uprave
- 1 x Evidenciji
- 1 x a/a



PREMIJER KANTONA

Irfan Halilagić
Irfan Halilagić